

CULTURA

## Cultura, teater e televizion coi Servijes linguistics

*L'è endà stat endrezà la rassegna de teater ladin e la comedies sarà da poder veder sul canal TV Ladina de YouTube olache vegn moscià ence Pedies*



*I raprezentanc di gropes de teater con la responsabola di Servijes linguistics e culturèi del CGF Evelyn Bortolotti.*

I Servijes linguistics del Comun General de Fascia à endrezà la rassegna de teater ladin. Dai 18 de november ai 18 de dezember 4 gropes de teater se à baratà ju la paladines de la val: i Bontemponi da Poza à spilenà «I più bie regai no se i fascite mai», La Mizacoles da Ciampedel à metù dant «La tradida dessenèda», i Amisc del Teater da Moena à prejentà la comedia scritta da Ilaria Chiocchetti «A jiar col föch» e la sociazion Antermoia l spetacol «Centecincanta la gialina cianta».

La rassegna, che vegn fata ogne doi egn e che era sutèda del 2020 per l Covid, à abù dassen n bel suzes. La

è stata de valuta e percacenta per la trasmiscion del lengaz ladin e i gropes à strent amò più fort l leam de amicizia e pascion per l teater e i à jà dit che i portarà dant vèlch da nef tel 2023. Duta la comedies é states toutes ju e les vegnarà moscèdes sun YouTube sul canal de TV Ladina.

N canal che via per l 2022 se à empienti de neves contegnui. N gran empegn di Servijes linguistics e culturèi, vidé da la responsabola Evelyn Bortolotti, l é ence chel de enjignèr ogne setemèna na neva puntata de Pedies, la trasmiscion che met dant cultura, tradizions, curiositèdes e jent de noscia val.